



- sebekel:** (*sebek`el*)
sebekel a omesebek er ngii;
mesebek er ngii.
- sebekreng:** (*sebekr`eng*)
sebekreng a bekikl; suebek a
rengrir klou a sebekreng er a
osisebel a mekngit el kar.
- sebel:** (*s`ebel*)
sebel a klekedall el mesebel; melai,
osebel er a chutem.
- sebelel:** (*sebel`el*)
sebelel a sebel er ngii; osebel; mesebel.
- sebengel:** (*sebeng`el*)
sebengel a sob er ngii.
- sebesabel:** (*sebes`abel*)
sebesabel a chelehelid;
sekengelakel, meldelodech er ngii.
- seblobel:** (*sebl`obel*)
seblobel a chelid er a kerrior me a
chelebuul; kede chebuul me a
seblobel a oltoir kid.
- sebngel:** (*sebng`el*)
sebngel a omesab er ngii; mesab
- sebokel:** (*seb`okel*)
sebokel a kirel el mesebek;
osebokel er a rrat a sebokel;
roderdii, sobekii, suebek, sebekel.
- seboseb:** (*seb`oseb*)
seboseb a ta er a bedengel a
dellomel el kall a rengul;
mededmedemek.
- sebsall:** (*sebs`all*)
sebsall a sbukl; kirel el mesubs;
suubs a dellomel, subsii, melubs
er a ralm; sebsel.
- sebsel:** (*sebs`el*)
sebsel a omelubs er ngii; melubs.
- sebuis:** (*seb`uis*)
sebuis a ta er a bedengel a cheled;
ngikel.
- sebulias:** (*sebuli`as*)
sebulias a dellomel el kall.
- sebungel:** (*seb`ungel*)
sebungel a kirel el mesab; kirel el
mengai; sobngii, suab a kukau.
- sebus:** (*seb`us*)
sebus a ta er a bedengel a ngikel.
- sebuu:** (*seb`uu*) (1)
sebuu a ta er a bedengel a
omenged; ousebuu.
- sebuu:** (*seb`uu*) (2)
sebuu a klou a delel; sebuuu a delel.
- sechal:** (*sech`al*)
sechal a chad me a charem; buik a
sechal, chedam a sechal, rubak a
sechal, sechelengel.
- sechalklikes:** (*sechalkl`ikes*)
sechalklikes a ta er a bedengel a
udoud er Belau.
- sechalngurd:** (*sechalng`urd*)
sechalngurd a klou el ngurd er a
uach me a chim.
- sechalsirukel:** (*sechalsir`ukel*)
sechalsirukel a keremerem; kmal el
milkolk; miremerem.
- sechaol:** (*sech`aol*)
sechaol a kirel el mesuch; suchar a
chimal, smuch, diak el sechaol a
chimal a ngalek e le ng moudach.
- sechedall:** (*seched`all*)
sechedall a kirel mesuched;
suchedii a ulul, diak el sechedall a
chad, smuched a bedengel,
sechedel.
- sechedekill:** (*sechedek`ill*)
sechedekill a kirel mesechedekl;
melibuk, sichedeklii a okul a ert;
sichedekl a ouak, sechedeklel.
- sechedeklel:** (*sechedekl`el*)
sechedeklel a omesechedekl er
ngii; mesechedekl; melichekl.
- sechedel:** (*seched`el*)
sechedel a omesuched er ngii;
mesuched.
- sechedelel:** (*sechedel`el*)
sechedelel a sechudel er ngii;
mekngit a ochil; tingoi.
- sechelakl:** (*sechel`akl*)
sechelakl a sechelooch.
- sechelei:** (*sechel`ei*)
sechelei a soal a klausechelei;
secheleingalek; sechelei a
okedong er a klausechelei, e
sechelei, sechelil.





sechelel

- sechelel: (sechel`el)**
sechelel a omesachel er ngii;
smachel a chimal; mesachel a
chimal el omekdakd.
- sechelengel: (secheleng`el)**
sechelengel a sechal er ngii.
- sechelil: (sechel`il)**
sechelil a sechelei er ngii.
- sechemochem: (sechem`ochem)**
sechemochem a mekudem el
mengemochem.
- secher: (s`echer)**
secher a rakd; rekdel; klou a secher
er a beluu; tereter a secher.
- secherecheriaol: (secherecheri`aol)**
secherecheriaol a di ngera e ng
metit; soal el ocherechur; cheril.
- seches: (s`eches)**
seches a klekedellel a blai me a bai;
ulak er a buadel el mo er a
orengodel; sechesel.
- sechesall: (seches`all)**
sechesall a kirel el mesuches;
suchesii, meluches, baiong a
sechesall; smuches.
- secheseball: (secheseb`all)**
secheseball a kirel mesecheseb;
mengisb a ralm; sochesebii, socheseb
a ralm, melecheseb; sechesebel.
- sechesebel: (secheseb`el)**
sechesebel a omelecheseb er ngii;
melecheseb.
- sechesech: (sech`esech) (1)**
sechesech a klalo el melechesech;
sechesechel a chiull; kalngebard a
sechesech.
- sechesech: (seches`ech) (2)**
sechesech a mekekerei el charm el
ko er a melatemudes.
- sechesechall: (sechesech`all) (1)**
sechesechall a kirel mesechesech;
locha kelel a boes; melechesech,
sochesech a bosir, sechesechel.
- sechesechall: (sechesech`all) (2)**
sechesechall a kirel mesechesech;
suchesechii; melechesech a kall;
sechesechel.


- sechesechel: (sechesech`el)**
sechesechel a omelechesech er
ngii; melechesech a boes,
melechesech a kall.
- secheseckill: (secheseck`ill)**
secheseckill a beot el mesechesokl;
suchesokl er ngii; merdekekl er
ngii.
- sechesecklel: (secheseckl`el)**
sechesecklel a omelecheseckl er ngii,
melecheseckl.
- sechesel: (seches`el) (1)**
sechesel a sehes er ngii el blai.
- sechesel: (seches`el) (2)**
sechesel a suches er ngii; smecher
el suches.
- sechesobel: (seches`obel)**
sechesobel a secheseball.
- sechesuchel: (seches`uchel)**
sechesuchel a sechesechall;
melechesech a kall.
- sechiir: (sech`iir)**
sechiir a ta er a bedengel a ngikel.
- sechil: (sech`il)**
sechil a such er ngii.
- sechiuaiu: (sechiu`aiiu)**
sechiuaiu a soal el mechiuaiu;
sechiuaiu a mla duob er a skoki.
- sechosech: (sech`osech)**
sechosech a ta er a bedengel a
suebek el charm.
- sechou: (sech`ou) (1)**
sechou a ta er a bedengel a suebek
el charm.
- sechou: (sech`ou) (2)**
sechou a ta er a bedengel a ngikel.
- sechudel: (sech`udel)**
sechudel a rekdel a ouach; meknngit
el merael; tingoi a ochil;
sechedelel.
- sedall: (sed`all)**
sedall a terekill; kirel el meterakl;
babii a sedall el mo mekekerei a
kldelel.
- sedelel: (sedel`el)**
sedelel a omesodel er ngii;
mesodel.





- sedemall:** (*sedem`all*)
sedemall a kirel el mesedem;
sodemii, mesedem er a mo
kldemel; chelmengel, sedemel.
- sedemel:** (*sedem`el*)
sedemel a omesedem er ngii; mesedem.
- sedomel:** (*sed`omel*)
sedomel a sedemall.
- sei:** (*s`ei*)
sei a melutk er a cheroid er a
mangedecheduch; ngar sei; diak el
tiang; sei er a mong a skuul.
- sekaiuerirech:** (*sekaiuer`irech*)
sekaiuerirech a bekoribech; soal el
oltitech; soal el orribech a chutem
me a dui; orebechel
- sekakedeoel:** (*sekakede`oel*)
sekakedeoel a mekekad; tingaol.
- sekasek:** (*sek`asek*)
sekasek a kiuesall; deliobech el
chutem; sekasek a mekngit el sers.
- sekdall:** (*sekd`all*)
sekdall a kirel el mesakd; brer a
sekdall; sokdii, smakd, sekdel.
- sekdel:** (*sekd`el*)
sekdel a sakd er ngii, sekdel a brer.
- sekdiichesengur:** (*sekdiicheseng`ur*)
sekdiichesengur a mesakd a tekoi;
diak el rekir a cheldechedechal e
imuul er a tang.
- sekebais:** (*sekeb`ais*)
sekebais a mekudem el omais;
meses el merael a beluu.
- sekebengur:** (*sekebeng`ur*)
sekebengur a klou e mekudem el
mengang, omengur; bekebengur;
medekum.
- sekebesbes:** (*sekebesb`es*)
sekebesbes a besbes; diak le
bekelatk; di beot el obes a tekoi.
- sekeboes:** (*sekeb`oes*)
sekeboes a chad er a boes; meduch
el omoes; sekeboes er a belochel,
mosii; moes.
- sekebrotech:** (*sekebr`otech*)
sekebrotech a soal el omrotech;
mertechii, mrotech a chimal.
- sekebuachel:** (*ssekebu`achel*)
sekebuachel a meses el meleko i a
urrengulel el ka le merang;
omuachel a meleko i a
chaisngemokel.
- sekecheroll:** (*sekecher`oll*)
sekecheroll a bekecheroll;
mekudem el omechell; betok a
rengelekel.
- seked:** (*s`eked*)
seked a meseked; diak le medidai;
seked er a beluu er a Oreor,
sokedii, smeked a chutem, sekedel.
- sekedall:** (*seked`all*)
sekedall a kirel mo meseked;
sokedii, Babeldaob a sekedall er a
rechad er a Belau; smeked.
- sekedebedebek:** (*sekedebed`ebek*)
sekedebedebek a sekelatk;
bekelat, dobedebekii aureor;
dobedebeke a meldung, debedebeke.
- sekedel:** (*seked`el*)
sekedel a seked er ngii; meseked.
- sekedenguul:** (*sekedeng`uul*)
sekedenguul a bekedenguul; soal
el melmert; beketelemtumk; soal el
melenguul; dongulii a chad.
- sekedui:** (*seked`ui*)
sekedui a soal el melui; omdidm a
berotel.
- sekekedmokl:** (*sekekedm`okl*)
sekekedmokl a meduch e soal el
mangedmokl; ungil meruul a
klalo, kudmeklii a blai; kudmokl
a udoud.
- sekelatk:** (*sekel`atk*)
sekelatk a bekelatk; diak el besbes
sekelatk er a klumech.
- sekelekiakl:** (*sekeleki`akl*)
sekelekiakl a bekilekiakl; diak le
modak; diak el soal a seked; soal el
di ngii el ileakl.
- sekemerur:** (*sekemer`ur*)
sekemerur a merur; kmes el dulii a
ngar er a rengul; merur el dulii
a soal, rur, di ngera e ng
merur, rengel.





sekengelakel

sekengelakel: (*sekengel`akel*)

sekengelakel a soal el oungegakel; kladikm el oungegakel, beruadel a meses el oungegakel.

sekengemiakl: (*sekengemi`akl*)

sekengemiakl a meduis; soal e meduch el melemiakl; ngimeklii a buuch; ngomiakl a metongakl el lius.

sekengeroel: (*sekenger`oel*)

sekengeroel a bekungeroel; di ngera e oungeeroel; smau el mengokl, isingel a sekengeroel, ngerroel, ngerrelel.

sekengim: (*sekeng`im*)

sekengim a soal a omelim; sekengim er a rrom, melim e mechederoar, mechetelaol.

sekenglemachel: (*sekenglem`achel*)

sekenglemachel a soal a omelamech; bekenglemachel.

sekengok: (*sekeng`ok*)

sekengok a soal el melengok, melui; mererd er ngii el omes; omdidm a uchauch.

sekerael: (*seker`ael*)

sekerael a sekebais.

sekereker: (*sekerek`er*)

sekereker a meses el oker; sekereker a soal el mo medengei a betok.

sekerurt: (*seker`urt*)

sekerurt a bekerurt; rurtii a beluu; sekebais; blechoel el remurt.

sekesakel: (*sekes`akel*)

sekesakel a kirel mesekosek; babii a sekesakel; sokesekii, sokosek, sekesekek; omodk.

sekesaker: (*sekes`aker*)

sekesaker a ta er a bedengel a cheled.

sekesekek: (*sekesek`el*) (2)

sekesekek a omelekosek er ngii; melekosek.

sekesekek: (*sekesek`el*) (1)

sekesekek a sekasek er ngii el oreomel.

sekesekoall: (*sekeseko`all*)

sekesekoall a kirel el mesekesako; melekesako er ngii; kongesachel el rael a sekesekoall.

sekesekoel: (*sekesek`oel*)

sekesekoel a omelekesako er ngii, melekesako.

sekesium: (*sekese`ius*)

sekesium a soal melius; bekesius, siuesii.

seketungl: (*seket`ungl*)

seketungl a beketungl; ungil a isngel el melungl; bilis a seketungl.

sekidel: (*sek`idel*)

sekidel a kirel el mesakd; brer a sekidel; sokdii, smakd a brer; odak a bambuu e smakd; sekdel.

sekikii: (*sekik`ii*)

sekikii a bekikii; mekii, chetil a kikiongel.

seklel: (*sekl`el*)

seklel a omesokl er ngii; soklii a cheldecheduch; ngodechii; mo sokl.

sekocheoch: (*sekoch`eoch*)

sekocheoch a bekocheoch; soal el omecheoch; mesisiich el olengit; mechechii a udoud, mecheoch a chutem.

sekoderdurech: (*sekoderd`urech*)

sekoderdurech a soal el oldurech; bekoderdurech, oderechii, sekodurech, oderechel.

sekodiu: (*sekod`iu*)

sekodiu a bekoiuediu; soal el oldiu; di ngera e ng oldiu; odiu; odiul.

sekodurech: (*sekod`urech*)

sekodurech a sekoderdurech.

sekokako: (*sekok`ako*)

sekokako a bekokako; soal el omekako; sekokako a omuchel a klakoad, mekekouii, mekako, ulekekouel.

sekokoad: (*sekoko`ad*)


sekokoad a bekokoad; soal el oldechelakl; smau el okoad.





- sekongeng:** (*sekong`eng*)
sekongeng a bekongeng; kemanget a ulengengel; kemanget el nglломel; ongengii a chad, chelellakl e omes.
- sekongit:** (*sekong`it*)
sekongit a bekongit; soal el olengit; soal el di melai a ngerang; ongtir, ongit. "metara".
- sekool:** (*sek`ool*)
sekool a soal el ousekool, sokolii; sokool a tekoi, klekolel.
- sekorirech:** (*sekor`irech*)
sekorirech a sekaiuerirech.
- sekos:** (*sek`os*)
sekos a ta er a bedengel a ngikel.
- sekoterau:** (*sekoter`au*)
sekoterau a bekoterau; mimokl el olterau; sekoterau a meduch er a usaso, oterur, oterau.; oterul.
- sekoterebek:** (*sekoter`ebek*)
sekoterebek a bekoterebek; soal e smau el olterebek, oterebekel.
- sekousau:** (*sekous`au*)
sekousau a bekousau; meses er a klsau.
- sekudidm:** (*sekud`idm*)
sekudidm a bekudidm; soal omdidm a berotel el tekoi; mdedmii, mdidm, udedmel.
- sekukokl:** (*sekuk`okl*)
sekukokl a bekukokl; mekiis er a mouais; mereched el mekiis a ltutau; omkokl, ulkokl.
- sekurreor:** (*sekurr`eor*)
sekurreor a bekurreor; meses er a urreor; urrereel.
- sekutab:** (*sekut`ab*)
sekutab a bekutab; ungil el omtab e melelem e medengei, mtebengii, mtab, utebengel; orrenge e ngmai.
- sel:** (*s`el*)
sel a mesel; kedeb a telil; sel a ta er a bedengel a secher.
- selab:** (*sel`ab*)
selab a klebungl er ngii; mesab er a kall; sobngii, suab, bilis a selab er a kelel, sebnge; seleches.
- selais:** (*sel`ais*)
selais a mla mesais; mla mesiik e mengai; selais a bdelul; mesei a selais me ng diak a kukau.
- selakd:** (*sel`akd*)
selakd a mla mesakd; brer a selakd sokdii; smakd.
- selalo:** (*sel`alo*)
selalo a mla mesalo; klloom; bluu er a mesei a selalo; soleuii, smalo, seloel.
- selam:** (*sel`am*)
selam a mla mesam; somur, selam a chimal el omekdakd; omekiam.
- selamk:** (*sel`amk*)
selamk a mla mesamk; mla mengai a semkel; kukau a selamk, somkii, suamk a lius; semkel.
- selang:** (*sel`ang*)
selang a delebes el cherresokl; klengabel, delobech el diak le melemt; bambuu a selang me ng kedorem; sengal.
- selaod:** (*sel`aod*) (1)
selaod a lloched; mla mesaod; diak el uldak; chebechiil a selaod; rengalek me te selaod, smodii, sodel.
- selaod:** (*sel`aod*) (2)
selaod a mla mesaod; mla medung; mla obeketakl el mo ungil; smodii, smaod, sodel.
- selarech:** (*sel`arech*)
selarech a mla mesarech; toluk a selarech, serechel a cheluiib.
- selasech:** (*sel`asech*)
selasech a mla mesasech; mo klou, oecherek a selasech; sosechii, smasech a oeacher; sesechel.
- selauch:** (*sel`auch*)
selauch a mla mesauch; nglai, buuch a selauch, souchii, smauch, suchel.
- selaur:** (*sel`aur*)
selaur a mla mesaur; mla melechet, mla mesemosem, chelais a selaur; sourii, rraud, surel.





seldall

seldall: (*seld`all*)

seldall a kirel el mesuld; suldii a ulaol; smuld a tebel

selebech: (*sel`ebech*)

selebech a delebedabel; ungil a ildois, sobechii, suebech a omelekoi, selebech el kall a ungil el diak a delikiik.

selebechakl: (*selebech`akl*)

selebechakl a mla mesebechakl; mla mosobel; ultelechakl a selebechakl er a rechorech; sobecheklii, sebecheklel.

selebek: (*sel`ebek*)

selebek a selarech; mla mesebek; tebel a selebek; sobekii a kingall, suebek a klalo, sebekel.

selebel: (*sel`ebel*)

selebel a mla mesebel; mla mengai; chutem a selebel, mla metaku; sobelii, suebel, sebelel a chutem.

selechedekl: (*selech`edekl*)

selechedekl a mla mesechedekl; telichekl; diak le mengubet; sichedeklii; sichedekl a semosem.

seleches: (*sel`eches*)

seleches a kerrii; kliok; bobai a seleches er a kiuid, sichesii; smeches.

selecheseb: (*selech`eseb*)

selecheseb a mla mesecheseb; nglai, sochesebii, socheseb, ralm a chelisb; beltkou a ralm.

selechesech: (*selech`esech*)

selechesech a mla mesechesech; boes a selechesech, sochesechii, locha kelel; sechesechel.

selechেসokl: (*selechেস`okl*)

selechেসokl a mla mesechesokl; mla sucheseklii; mla ridekeklii; silchesokl er ngii; melechesokl.

selechesech: (*selech`esech*)

selechesech a kliok; mla mesechesech; kukau a selechesech; suchesechii; klard, sechesechel a kukau.

seledem: (*sel`edem*)

seledem a mla mesedem; te seledem er a omenged; sodemii er a klsau; kesedem; sedemel.

selekelel: (*selekel`el*)

selekelel a selokel er ngii.

selekesako: (*selekes`ako*)

selekesako a mla mesekesako; mla melekesako er ngii; sokesekeuii a blai; sekesekoel a blai.

selekool: (*selek`ool*)

selekool a mla musekool; te mla ousekool er ngii; ralm a selekool; sokolii, sokool a tekoi.

selekosek: (*selek`osek*)

selekosek a mla mesekosek; mla metuk; delebes, babii a selekosek; sokesekii, sokosek, sekesekel.

seleksakd: (*seleks`akd*)

seleksakd a mla meseksakd; meradel a seleksakd er a kebui; sokdii, smakd, sekdel.

selemosem: (*selem`osem*)

selemosem a selemesamel; mla mesmosem, oruikl a selemosem, somesemii, somosem, semesemel; meuak, merenged.

selenges: (*seleng`es*)

selenges a mla mesenges; ilaot a selenges; songesengii; songes, sengesengel.

selengoes: (*seleng`oes*)

selengoes a marek; mla mesengoes; ngikel a klengoes, songosii; smongoes, sengosel a odoim.

selers: (*sel`ers*)

selers a telenget; mla mesers; sorsii, telengetongel; rael a selers, smers, sersel.

seleseb: (*sel`eseb*)

seleseb a delul; mla meseseb; mla medul a ked; blai a seleseb, sosebii, sueseb, sesebel.

selib: (*sel`ib*)

selib a mla mesib; sibur; sers a selib; mesib, sbul; ulecholo.



**selibas:** (*selib`as*)

selibas a mla mesibas; selibas er a urrutel; soibesengii, soibas a ochil; sibesengel.

selibech: (*sel`ibech*)

selibech a mla mesibech; iedel a selibech a rechelel, sibecheii, suibech el mei er eou; sbechel.

seliik: (*sel`iik*)

seliik a mla mesiik; mla metik, rrechorech el udoud a seliik; smiik; skel.

selikelel: (*sel`ikelel*)

selikelel a ngii a siliik; ngii a ulsiik; udoud el ngii a mlengereker; kerrekerngel.

selikes: (*sel`ikes*)

selikes a mla mesikes; mlai a selikes; sikesii, smikes, melikes.

selilek: (*sel`ilek*)

selilek a mla mesilek; bail a selilek; silekii, smilek, selekel.

selim: (*sel`im*)

selim a ulsesei; mla mesim el mo bedul a bitang; simengii, suim a uldasu el ngmodech; smengel a uldasu.

seliou: (*seli`ou*)

seliou a kliou; ungil kldmokl; mechitechut a ungil el seliou; siungii; mesiou er ngii, siungel.

seliuch: (*sel`iuch*)

seliuch a mla mesiuch; seliuch a chitechut el diak loracl; siuch.

selius: (*sel`ius*)

selius a mla mesius; mechas a selius er a dengerenger; diak longull a melius; siuesii.

sellesilek: (*selles`ilek*)

llep a kerrekar a sellesilek; eolt a mla smodel a llep a kerrekar.

sellesolk: (*selles`olk*)

sellesolk a ousellesolk; sellesolk a btil a bilel; teletat el diak el tabesul; kaitetengeriakl, selusoud.

selloakl: (*sello`akl*)

selloakl a mla meselloakl; mla mesalo; rrutech er a betok el chim; selloakl el kall a olsecher; soleueklii; solouakl.

selmechokl: (*selmech`okl*)

selmechokl a mla mesmechokl; kldmokl; mo rael a selmechokl; sumecheklii, smechekelel; llemeltel.

selmengt: (*selm`engt*)

selmengt a mla mesmengt; ngar ngii a smengt; simengtii a rael, simengt.

selmesim: (*selmes`im*)

selmesim a mla mesmesim; mla mesim; diokang a selmesim er a eolt; simesmengii, simesim a dellomel; melmesim; mengitengtik.

selmesumech: (*selmes`umech*)

selmesumech a mla mesmesumech; buch a diak el selmesumech; diak a olmesmechel; mla merael.

selngerekl: (*selnger`ekl*) (1)

selngerekl a mla mesngerekl; singereklii, mla meterob; klechedaol a selngerekl, singerekl a kles; sngereklel.

selngerekl: (*selnger`ekl*) (2)

selngerekl a chemoit; mla mesngerekl; metech a babier me ng obriid; singerekl a belatong er a ulaol me ng obebeu.

selngos: (*selng`os*)

selngos a klngos; mla mesngos; medebes, sungos a bobai; sungesngii a babii, sngesngel.

selodel: (*sel`odel*)

selodel a telat; sodelii a bail; smodel a babier; mesodel, sedelel.

selokel: (*sel`okel*)

selokel a idokel; kirel mesilek; bail a selokel; silekii, smilek a ulech.

selokl: (*sel`okl*)

selokl a mla mesokl; mengodech; soklii a cheldechoduch, smokl a uldasu, mesokl; sekkel.






selongd

- selongd: (sel`ongd) (1)**
selongd a mla mesongd; songdii;
smongd; bdelul a ungil el
selongd, sengdel.
- selongd: (sel`ongd) (2)**
selongd a kerrekar el nglai a
rechelel.
- selorech: (sel`orech)**
selorech a rruul el siesorech.
- selouel: (selou`el)**
selouel a omesalo er ngii; mesalo;
selouel a mesei.
- selubech: (sel`ubech) (1)**
selubech a mla mesubech; mla
mengai; brak a selubech, subechii,
suubech, sbechel.
- selubech: (sel`ubech) (2)**
selubech a mla mesubech; selodel;
ulengkangk; chelais a selubech a
btil; chemars, subechii.
- selubed: (sel`ubed) ((2)**
selubed a klbadel; mla mesubed;
subedii; subed, beluu a selubed
er a urreor; sbedel.
- selubed: (sel`ubed) (1)**
selubed a mla mesubed; suubed a
ilaot; subedii; sbedel a ilaot.
- selubs: (sel`ubs)**
selubs a mla mesubs er a ralm;
subsii; suubs a dellomel, sebsel.
- seluch: (sel`uch) (1)**
seluch a di ngii el ruebet; mla
mesuch; oeng er a lius a seluch;
suchar, smuch.
- seluch: (sel`uch) (2)**
seluch a mla mesuch; meleng;
\$100.00 a seluch er a bank; bled.
- seluched: (sel`uched)**
seluched a mla mesuched; suchedii
a chimal; seluched me ng smecher,
smuched, sechedel.
- seluches: (sel`uches)**
seluches a mla mesuches; suchesii
a baeong; smuches, sechesel a baeong.
- seluis: (sel`uis)**
seluis a mla meseuis; siuesur a
mases; meleuis er a seuis; siuesul.

- seluk: (sel`uk)**
seluk a ultuu er a chelsel; mla
mesuk; smuk a udoud, kluk,
kukau a seluk er a sualo; sukur,
smuk, skul.
- seluld: (sel`uld)**
seluld a mla mesuld; tolechoi a
seluld a bedengel; suldii, smuld
a llechuki; seldel.
- selulkolk: (selulk`olk)**
selulkolk a sulkolk; mla
mesulkolk; tekokou, selulkolk a
bdelul er a klakoad; sulkelkii,
sulkelkel.
- selumech: (sel`umech) (1)**
selumech a mla mesumech; ulul el
seluched a selumech; sumechii;
suumech a bedengel, smechel.
- selumech: (sel`umech) (2)**
selumech a mla mesumech; omerk
er a ulaol; chedecholl a selumech,
sumechii, suumech.
- selumech: (sel`umech) (3)**
selumech a ulluut; mla mengader;
olutii a rrechorech el bail; sumechii
a berrober el mesei; suumech a
chetemel a telungalek.
- selumes: (sel`umes)**
selumes a rrumes; mla mesumes er
a tungd; sumesii, ochil a selumes
er a deel; suumes a kukau; smesel.
- selumk: (sel`umk)**
selumk a mla mesumk; mla sumkii
a sechelil er a klaibedeckakl;
suumk a chiul.
- selurech: (sel`urech)**
selurech a mla mesurech; surechii
a omechell; smurech a ochil,
serechel.
- selusuud: (selus`uud)**
selusuud a seluud; teletat,
selesodel, sousudii; betok el
seluud; sousoud.
- seluub: (sel`uub)**
seluub a mla mesuub; suub a
chelitakl; suebii a ngloik;
suebel.





- seluud:** (*sel`uud*)
seluud a seloud; mla mesuud; mla smuud a berdel a kim.
- semachel:** (*sem`achel*) (1)
semachel a misech; bekerekard; ngerel a semachel er a omelamech.
- semachel:** (*sem`achel*) (2)
semachel a ta er a bedengel a cheled.
- semail:** (*sem`ail*)
semail a siseball er a chebingel; sisebellel a ngikel.
- semasu:** (*semas`u*)
semasu a klekedall er a blai me a bai el obengkel a onglaikurs.
- semeriar:** (*semeri`ar*)
semeriar a sisiangel a rengul; kmal sokol; semeriar el meloik; semeriar er a klechedaol.
- semermeriang:** (*semermeri`ang*)
semermeriang a nguibes; ngmanged, semeriar; kmal sokol; semermeriang er a ungil el ngloik.
- semersoll:** (*semers`oll*)
semersoll a semeriar; soal a sang; rengeasek a kirir el semersoll a ungilklebesei; soal a tekoi; sengok el reng.
- semesamel:** (*semes`amel*)
semesamel a kirel el mesemosem; kukau a semesamel er a oruikl; somesemii, somosem, melemosem a kall; semesemel
- semesemall:** (*semesem`all*)
semesemall a semesamel.
- semesemel:** (*semesem`el*)
semesemel a semosem er ngii; melemosem.
- semikel:** (*sem`ikel*)
semikel a kirel el mesamk; mengai a semkel; kukau a semikel; semikel a klalo el betok a semkel; semsemikel.
- semkall:** (*semk`all*)
semkall a semikel.
- semkamk:** (*semk`amk*)
semkamk a mo oltaut a chimal er ngii; somkemkii a delal, somkamk a udoud, semkemkel.
- semkel:** (*semk`el*)
semkel a samk er ngii.
- semkemkel:** (*semkemk`el*)
semkemkel a omesemkamk er ngii; mesemkamk.
- semosem:** (*sem`osem*)
semosem a klalo el melemosem; kerreel me a bekobek me a kebeas a semosem; melemosem, semesemel.
- semsemikel:** (*semsem`ikel*)
semsemikel a betok a semkel; kukau a semsemikel; semikel.
- semum:** (*sem`um*)
semum a ekoek; ta er a bedengel a cheled; semungel.
- sengal:** (*seng`al*)
sengal a omesang er ngii el bambuu; selang, mesang er ngii.
- sengall:** (*seng`all*) (1)
sengall a mo imis el tubedobed el omeruul; odedong, ouedikel.
- sengall:** (*seng`all*) (2)
sengall a ta er a bedengel a besebes.
- sengchel:** (*sengch`el*)
sengchel a singch er ngii.
- sengdall:** (*send`all*)
sengdall a kirel el mesongd; songdii, smongd a bderrir; sengdel.
- sengdel:** (*sengd`el*) (1)
sengdel a sengsongd er ngii el kerrekar.
- sengdel:** (*sengd`el*) (2)
sengdel a omesongd er ngii el chui.
- sengeakl:** (*senge`akl*)
sengeakl a kirel el mesengoes; odoim a sengeakl; smongosii, songoes, melengoes, sengosel.
- sengeruk:** (*senger`uk*)
sengeruk a ta er a bedengel a cheled.





senges

senges: (*seng`es*)
senges a ko er a cheleched me a rekung el kiei a keburs; senges a kall.

sengill: (*seng`ill*)
sengill a ta er a bedengel a cheled.

sengk: (*s`engk*) (rrodell)
sengk a omereng el saul; sengkel a ungil el meloik, ousengk er ngii.

sengok: (*seng`ok*)
sengok a kersos a rengul; soal; sengok a rengul er a mle dibus el bechil me a ngelekel.

sengosall: (*sengos`all*)
sengosall a sengeakl.

sengsengdel: (*sengsengd`el*)
sengsengdel a sengsongd er ngii.

sengsengobel: (*sengseng`obel*)
sengsengobel a semersoll; soal a tekoi; saol a sang.

sengsongd: (*sengs`ongd*)
sengsongd a mekekerei el rechelel a kerrekar; sengsengdel.

seosel: (*se`osel*)
seosel a soaes er ngii el mlai er a daob.

serangk: (*ser`angk*)
serangk a oudelemerab el bliil a klalo me a kall; serengkel.

seraub: (*ser`aub*)
seraub a klekedall el orreked e omtebechel, seraub er a mesil, serubel; oldak e olekes; seraub a olsikm.

serechall: (*serech`all*)
serechall a serochel; kirel el mesarech, smarech a cheluiib el moluk, serechel a cheluiib.

serecheklel: (*serechekl`el*)
serecheklel a omeserechakl er ngii; meserechakl.

serechel: (*serech`el*) (1)
serechel a omesarech er ngii; mesarech.

serechel: (*serech`el*) (2)
serechel a omesurech er ngii; mesurech er a mlechell.

seroll: (*ser`oll*)
seroll a kautok a chelsul a medal.

serrars: (*serr`ars*)
serrars a mla meserars; bechachau, sirars a uulech; serrars a chimal; oruikl a serrars, selarech

serrochel: (*serr`ochel*)
serrochel a mla mesarech; dechor er bebul; sorechii a deel, smarech, serrochel er a chetemel.

serruchel: (*serr`uchel*)
serruchel a selurech; mla mesurech

sers: (*s`ers*) (1)
sers a ngeaol; bliil a dellomel; sers er a diokang; sersel.

sers: (*s`ers*) (2)
sers a tenget; sers a klalo el usbechall er a omelenget; sers el deel a merers a charm me a merechorech; sersel.

sersall: (*sers`all*)
sersall a ousbech er a sers; kirel el mesers; metenget, blai a sersall, sorsii, merers er ngii.

serubel: (*serub`el*)
serubel a seraub er ngii.

seruchel: (*ser`uchel*)
seruchel a kirel el mesurech; surechii a omechell; smurech a ochil; serechel.

ses: (*s`es*)
ses a meses; bekurreor; sekurreor; meses a medinges; ses a uchul a ungil el klengar, sesengel.


sesakd: (*ses`akd*)
sesakd a ta el selakd; sesakd el bambuu a brer; sekdel.

sesaod: (*ses`aod*)
sesaod a ta er a omesaod; kakerous el omesaod; sodel a tekoi; urriid a diak lodengei a sesaod.

seseb: (*s`eseb*)
seseb a klou el ngau; ngau el melul; klou el ngau el meseb, sosebii a blai, sueseb a ked, sesebel.



- seseball:** (*seseb`all*)
 seseball a sesobel; kirel el meseseb;
 ulenguotel a seseball.
- sesebechel:** (*sesebech`el*)
 sesebechel a telkib el sebechel;
 mechas a mechitechut e ng di
 sesebechel el ourreor.
- sesebel:** (*seseb`el*)
 sesebel a seseb er ngii; meleseb.
- sesechel:** (*sesech`el*)
 sesechel a omelasech er ngii;
 sosechii a oacher el mo klou;
 melasech.
- sesei:** (*ses`ei*)
 sesei a diak le betok; di kesai; sesei
 el udoud; sesei el kall.
- sesekool:** (*sesek`ool*)
 sesekool a soal el ousekool;
 sokool a tekoi, sokolii; klokolel.
- seselk:** (*ses`elk*)
 seselk a checherd; seselk a rengul;
 smecher a checherd a rengul er a
 cherrodech; seselkel.
- seselkel:** (*seselk`el*)
 seselkel a checherdel a reng.
- seselreng:** (*seselr`eng*)
 seselreng a meses a rengul.
- sesengel:** (*seseng`el*)
 sesengel a ses er ngii; meses.
- sesilil:** (*sesil`il*)
 sesilil a soal el di milil; omilil.
- sesmau:** (*sesm`au*)
 sesmau a telkib el smau; telkib el
 soal.
- sesmecher:** (*sesm`echer*)
 sesmecher a diak le mesisiich a
 bedengel; sesmecher el ngalek;
 telkib el smecher.
- sesobel:** (*ses`obel*)
 sesobel a seseball.
- sesongerenger:** (*sesonger`enger*)
 sesongerenger a telkib el songerenger.
- sesuud:** (*ses`uud*)
 sesuud a ta el seluud; mei a
 sesuud; beskak a telkib el kebui.
- Siabal:** (*siab`al*)
 Siabal a beluu er a Asia.
- siangel:** (*si`angel*)
 siangel a beruadel; meduch a
 ngloik; medal el siangel a kladikm
 e klebokel; sisiangel; chelechelid.
- sibai:** (*sib`ai*) (1)
 sibai a mesiou; ourreor el kirel a
 chad; sibil.
- sibai:** (*sib`ai*) (2)
 sibai a klekool, tekoi er a kliangel;
 rengineasek a mechelaod el ousibai.
- sibechii:** (*sibech`ii*)
 sibechii a mesibech er ngii;
 mengam er ngii; mla suibech a
 rachel.
- sibeklii:** (*sibekl`ii*)
 sibeklii a omkais; mesbekekl er
 ngii; sibeklii a chesimer.
- sibes:** (*s`ibes*)
 sibes a sbesel; olsibes el me tuobed
 er a ngor, sibes er a ulekoad el
 chad.
- sibesongel:** (*sibes`ongel*)
 sibesongel a olibesongel; ngii di le
 ngera el melibas; tetuk el kerrekar
 a sibesongel er a rael; mesaik el
 chad a sibesongel er a urreor.
- sibil:** (*sib`il*)
 sibil a sibai er ngii; mesiungel.
- sibur:** (*sib`ur*)
 sibur a mesib er ngii; omecholo er
 a chutem.
- sichel:** (*sich`el*) (1)
 sichel a siich er ngii; mesiich el
 chad; klebkellel.
- sichel:** (*sich`el*) (2)
 sichel a smiich er a ngau; smiich a
 delul el ngikel.
- sichesii:** (*siches`ii*)
 sichesii a meleches er ngii.
- siekii:** (*siek`ii*)
 siekii a osiik er ngii; merrau er ngii.
- siich:** (*s`iich*) (1)
 siich a smiich; delul el ngikel a smiich.
- siich:** (*s`iich*) (2)
 siich a mesiich; ungil besul; siich er
 a ilteet, merau a mesiich;
 ngaleksiich.



siik

siik: (*s`iik*)

siik a osiik; siik er a ririid el ngalek; olechoud, ochudii, ngar ngii a siik er a ngalek; skel.

sikang: (*sik`ang*)

sikang a olkael er a taem; eru el sikang.

sikd: (*s`ikd*)

sikd a betok el uldak; beriseksikd; sikd el meradel sikd el iedel.

sikel: (*sik`el*)

sikel a saik er ngii; mesaik.

sikes: (*sik`es*)

sikes a ta er a bedengel a omenged.

sikesall: (*sikes`all*)

sikesall a kirel el mesikes; sikesii a mlai; smikes, melikes a brer; sikesel a brer.

sikesel: (*sikes`el*)

sikesel a omelikes er ngii; melikes.

sikesii: (*sikes`ii*)

sikesii a melikes er ngii.

sikou: (*sik`ou*)

sikou a mongkii.

silekii: (*silek`ii*)

silekii a mesilek er ngii.

silil: (*sil`il*)

silil a chad er a omilil.

sils: (*s`ils*) (1)

sils a merreder er a llomes, mla ngmasech a sils; ngeltel a sils a milkelkang; meringel a sils.

sils: (*s`ils*) (2)

sils a cheos; 24 el sikang a ta el sils; euid el sils a ta el sangdei.

sim: (*s`im*)

sim a ungil a rokui; kekeuii; belochel a melaok; sim er a rodech a betok e ungil a rodech; ungil a mesei me a sers me ng betok a kall; smengel.

simang: (*sim`ang*)

simang a soal el klebokel e ungil; simang a olecholt a klungiolel; ousimang; klimelengel.

simengall: (*simeng`all*)

simengall a kirel el mesim; tebel a simengall el mong; simengii.

simengii: (*simeng`ii*)

simengii a mesim er ngii; telkib el olsesei er ngii.

simengt: (*sim`engtt*)

simengt a mesmengt; melecha smengt.

simengtii: (*simengt`ii*)

simengtii a mesmengt er ngii.

simesim: (*simes`im*)

simesim a mesmesim; omeriau a kerrekar; simesim a betok el omesim.

simesmengii: (*simesmeng`ii*)

simesmengii a melmesim er ngii; omeriau er ngii el mo e mei.

Sina: (*Sin`a*)

Sina a beluu; China.

sing: (*s`ing*)

sing a bau; bul a lalech; ngibd a besing.

singch: (*s`ingch*)

singch a klekedall er a chad, charm el ngar eou er a ulk; sengchel a babii a odimek; bekesingch el chad.

singerekl: (*singer`ekl*) (1)

singerekl a mesngerekl; medechakl, chemoit, mides, singerekl a klalo er a ulaol; sngereklel.

singerekl: (*singer`ekl*) (2)

singerekl a torob; merrob; singerekl a urreor e omiiked a ngesecheklel a udoud; singereklii a omerael e mengiil er a isechel a daob; singereklel.

singereklii: (*singerekl`ii*)

singereklii a mesngerekl er ngii; torebengii, singerekl.

siokel: (*si`okel*)

siokel a kirel el mesiik; osiik er a mo menguteling er a buai; siekii; skel.

sirars: (*sir`ars*)

sirars a orrebet a besbas er ngii; merrars; merrirs.

sirsii: (*sirs`ii*)

sirsii a merrars er ngii; orrebet a besbesil



- sirukel:** (*sir`ukel*)
sirukel a keremerem; kmal milkolk sechalsirukel.
- sis:** (*s`is*) (1)
sis a ta er a bedengel a dellomel.
- sis:** (*s`is*) (2)
sis a ongedei el kebesengil a omelakl er a mlad el chad; olturek er a sis el osiik a uchul a secher me a kodall.
- sisall:** (*sis`all*)
sisall a kirel el mesais a bdelul; mengai a kud er ngii.
- siseball:** (*siseb`all*)
siseball a rael mo soiseb; siseball er a beluu; tuangel a siseball er a blai; sisebellel.
- sisebellel:** (*sisebell`el*)
sisebellel a siseball er ngii.
- sisel:** (*s`isel*)
sisel a omelais er ngii; melais a kud.
- sisiangel:** (*sisi`angel*)
sisiangel a siangel; kmal unigl e dmeu a rengul; soal el mad er a deulreng.
- sisichall:** (*sisich`all*)
sisichall a melisiich er ngii; ngalek a sisichall el mo di ngii el ourreor el kirel; kirel el mo mesisiich.
- sisichii:** (*sisich`ii*)
sisiichii a melisiich er ngii; rullii el mo mesisiich
- sisilil:** (*sisil`il*)
sisilil a kuk di soal a omilil; silil, mesesilil, milil a rengul.
- sisiokel:** (*sisi`okel*)
sisiokel a meringel el mesiik; sisiokel a rengul er a omengang, diak el mesiik a soal.
- sisiou:** (*sisi`ou*)
sisiou a meses el mesiou; kerekikl el mendedmokl; soal a ungil; siungii a blai, siou a bedengel, siungel.
- sisuau:** (*sisu`au*)
sisuau a ousisuau ; ngerel a eolt el tuobed er a ngor; kurrenges er a sisuau, sisuul.
- sisuul:** (*sis`uul*)
sisuul a sisuau er ngii; ousisuau.
- sit:** (*s`it*)
sit a ousit; kekerei el ngor el uldak er a eolt; ng ousit el olechau er kau; ta er a bedengel a ochau.
- siuasokl:** (*siuas`okl*)
siuasokl a sokl; turekorek; siuasokl el uetech; diak lemelemalt; siuasokl el burech.
- siuch:** (*s`iuch*)
siuch a seliuch; secherel a singch; mla mesiuch; chitechut el diak lorael.
- siuellel:** (*siuell`el*)
siuellel a betok a soal, klolekkel; betok a siuellel; ngar er a mesei e soal a buuch.
- siuesall:** (*siues`all*)
siuesall a suokl; kirel el mesius; siuesall a di ngii el mekedong a sius.
- siuesii:** (*siues`ii*)
siuesii a melius er ngii.
- siuesul:** (*siues`ul*)
siuesul a omeleuis er ngii; meleuis.
- siuesur :** (*siues`ur*)
siuesur a meleuis er ngii el mases.
- siukang:** (*siuk`ang*) (rrodell)
siukang a ulekdubs el omeruul; teletael er a delengchokl; smau er ngii el tekoi; uleksau el omeruul; dimlak el siukang a meloik a le kemeldiil.
- siungall:** (*siung`all*)
siungall a siungel; kirel mesiou; chuodel a siungall; siungii.
- siungel:** (*siung`el*)
siungel a siungall.
- siungeuaol:** (*siunge`uaol*)
siungeuaol a merames a ngeuil el cheroll.
- siungii:** (*siung`ii*)
siungii a mesiou er ngii.
- sius:** (*s`ius*)
sius a tekoi el diak el kirel el medung er a seked; meknigil el omeruul a melius; meleboes; omekesiu er a er a delal; susel.



skel

skel: (*sk`el*)

skel a siik er ngii; skel a ulebechakl, skel a ririid el udoud.

skersel: (*skers`el*)

skersel a skors er ngii; tekeklel er a omerael.

skobang: (*sk`obang*)

skobang a telamk el temikel el oriik.

skoki: (*sk`oki*)

skoki a suebek el diall.

skokl: (*sk`okl*)

skokl a omedeklel a daob; chetituokel el tebedall; ulsemuul el sechal a mo tuobed er a skokl.

skors: (*sk`ors*)

skors a klekedall el olengeseu a ouach; mechitechut a merael el ouskors; skersel.

skosio: (*skos`io*)

skosio a oberberk el chutem el kerodel er a skoki.

skul: (*sk`ul*)

skul a omesuk er ngii; mesuk.

skulel: (*sk`ulel*)

skulel a skuul el le tilobed er ngii; ngar ngii a skulel er a llach, omsangel.

skuul: (*sk`uul*) (1)

skuul a olsechall er a omesuub; bliil a osisechakl, skuul a omekrael a rechad el mo meduch el di tir.

skuul: (*sk`uul*) (2)

skuul a kirel el mesuk; skuul a locha er a chelsel; smuk a kukau e sukur a ngikel; skul.

smach: (*sm`ach*)

smach a ta er a bedengel a ngikel.

smachel: (*sm`achel*)

smachel a kmider; smecher a mla mo sebechel el smachel a chimal el mo er a bab; sechelel a chimal.

smais: (*sm`ais*)

smais a melais; osiik e melai a omiis a chudel el melai a kukau.

smakd: (*sm`akd*)

smakd a mesakd; smakd a bambuu el brer; oldak el oba sakd el cheleatel.

small: (*sm`all*)

small a msall; hall, te small e mengiil a tekoi; mengiil el telkib.

smalo: (*sm`alo*)

smalo a mesalo; smalo er a mesei; soleuii.

smang: (*sm`ang*)

smang a mesang; smang a bambuu el sersel a mekesokes; sengal a bambuu.

smaod: (*sm`aod*) (1)

smaod a mesaod; omeketakl; mengedereder, smaod a urreor; sodel.

smaod: (*sm`aod*) (2)

smaod a mesaod; torakl; smaod a cheldebechel el mo eru el medal; sodel a chelechad.

smarech: (*sm`arech*)

smarech a mesarech; mais a beluu, misii a beluu, serechel.

smasech: (*sm`asech*)

smasech a melasech; smasech a bail el mo kilou; sosechii a bilek; sesechel.

smau: (*sm`au*)

smau a uleksau; smau er ngii; mla mo blekerdelel; smau el meruul er ngii; soal el kiei e le ng smau er a beluu.

smauch: (*sm`auch*)

smauch a mesauch; nguubet el choroid; mla smauch a buchek; souchii, suchel.

smaur: (*sm`aur*)

smaur a mesaur; melechet, mesaur a billum, sourii, surel.

smechall: (*smech`all*)

smechall a kirel mesumech; smochel; oluut; sumechii a chutem; suumech a udoud; smeichel; olutel.

smechekill: (*smechek`ill*)


smechekill a kirel mesmechokl; sumecheklii a rengul, sumechokl a chebirukel el mo melemalt; smecheklel.





- smecheklel:** (*smechekl`el*)
smecheklel a meruul el mo ungil;
omesmechokl er ngii; mesmechokl
a omerellel.
- smechel:** (*smech`el*)
smechel a luut er ngii; omesumech
er ngii; smechel a ngalek er a
milechellii; lmuut el mo ua ingii
er a kot; sumechii, suumech.
- smecher:** (*sm`echer*)
smecher a ngar ngii a rakd;
smecher er a tereter; secherel.
- smeches:** (*sm`eches*)
smeches a meleches; mesab; malk
a meleches a kelel.
- smeked:** (*sm`eked*)
smeked a mla oseked; klechedaol a
mla smeked a blai; blai a seleked
er a klalo; sokedii, blai a meseked;
sekedel.
- smengel:** (*smeng`el*)
smengel a sim er ngii; sim er a
iedel; sim er a belochel; smengel a
rodech.
- smengt:** (*sm`engt*)
smengt a cement (rrodel).
- smengtall:** (*smengt`all*)
smengtall a kirel el mesmengt;
simengtii, simengt a rael;
smengt.
- smers:** (*sm`ers*)
smers a merers; tonget; sorsii,
smers a mekesokes; sersel.
- smesei:** (*sm`esei*)
smesei a olsesei; telkib el
ngodechii a olsechall; smesei el
mong.
- smesel:** (*smes`el*)
smesel a sumes er ngii; orumes.
- smesmechel:** (*smesmech`el*)
smesmechel a omelmesumech er
ngii; melmesumech er a buch.
- smesmochel:** (*smesm`ochel*)
smesmochel a kirel el
mesmesumech; sumesmechii a
meldort a chebechielel el dil;
smesmechel.
- smesmongel:** (*smesm`ongel*)
smesmongel a kirel el mesmesim;
simesmengii a bdelum a le chetim;
melmesim.
- smiich:** (*sm`iich*)
smiich a uleis; smiich el
chedlekelek; smiich el bekerkard;
imis el mellemau.
- smiik:** (*sm`iik*)
smiik a osiik; osiik a rodel el mo
ungil; siekii; smiik a udoud.
- smikes:** (*sm`ikes*)
smikes a melikes, smikes a brer me
a mlai; sikesii, sikesel.
- smilek:** (*sm`ilek*)
smilek a mesilek; smilek a bail
me a taor, selekel.
- smisiich:** (*smis`iich*)
smisiich a melisiich er tir; rulleterir
el mo mesisiich.
- smochel:** (*sm`ochel*) (1)
smochel a smechall.
- smochel:** (*sm`ochel*) (2)
smochel a suumech; mesumech,
uldechuul a smochel a bedengel;
sumechii a bdelul; smechel a uldechuul.
- smodel:** (*sm`odel*)
smodel a melat; mesodel a babier;
mla smodel a bilel; sodelii, sedelel.
- smodii:** (*smod`ii*) (1)
smodii a mesaod er ngii; smodii a
uchul a omerolel; omeketakl er ngii.
- smodii:** (*smod`ii*) (2)
smodii a mesaod er ngii; toreklii;
smodii a babii el mriid a kldelel.
- smokl:** (*sm`okl*)
smokl a mesokl; ngmodech a rodel;
mla smokl a udoud el mo er a diak
el kirel; sekel a udoud.
- smongang:** (*smong`ang*)
smongang a mla mo smau;
blechoel el merechorech me ng
smongang; mla mo soal; smonga el
kiei er a Belau.
- smongd:** (*sm`ongd*) (1)
smongd a mesongd; smongd a
chiul; songdii, sengdel a chui.





smongd

smongd: (*sm`ongd*) (2)

smongd a Imoched; dobedebes, kelebus a mla smongd a bombatel e chemiis; sengdel a lechet.

smongoes: (*smong`oes*)

smongoes a melengoes; omekmarek, mla smongoes a odoim; smongosii a klengoes; sengosel.

smongosii: (*smongos`ii*)

smongosii a melengoes er ngii.

smorech: (*sm`orech*)

smorech a kirel el melemalt e telkib el chebirukel; smorech a bebul a tebel.

smuch: (*sm`uch*)

smuch a mesuch; suchar; kmurs; otamet; mla smuch a tet e chemiis; mesngii, sechal a tet.

smuched: (*sm`uched*)

smuched a mesuched; terrekakl el omelekoi; omdach; smuched a chimal.

smuches: (*sm`uches*)

smuches a meluches; te mla smuches a baeong; sechesel.

smuk: (*sm`uk*)

smuk a mesuk; locha er a chelsel; mla smuk a kall er a belatong, sukur, skul.

smuld: (*sm`uld*)

smuld a mesuld; melemed, smuld a medal; suldii, seldel.

smurech: (*sm`urech*)

smurech a mesurech; smurech a bedengel er a mekeald; surechii.

smuuch: (*sm`uuch*) (1)

smuuch a ta er a bedengel a ngikel.

smuuch: (*sm`uuch*) (2)

smuuch a klou a rengul, diak le mereched el ngmasech a rengul; mla metemall a tekoi e a smuuch a rengul a chelellakl e omdasu.

smuuchelreng: (*smuuchelr`eng*)

smuuchelreng a kllou el reng; diak le beot el mo kesib a rengul; ulserechakl el reng; smuuch a rengul.

smuud: (*sm`uud*)

smuud a mesuud; mesodel; meruul el mo mekekerei, smuud a kebui, soudii.

sngesngall: (*sngesng`all*)

sngesngall a sngesungel; kirel el mesngos; melngos a decool; sungos a bobai.

sngesngel: (*sngesng`el*)

sngesngel a sngos er ngii; osngos.

sngesungel: (*snges`ungel*)

sngesungel a sngesngall.

sngorech: (*sng`orech*)

sngorech a charm er a delomeklochel me a dechel.

sngos: (*sng`os*)

sngos a eolt el tuobed er a iis; melemlim el iis a otobed eolt el sngos; osisngos, sngesngel.

sngoselild: (*sng`oselild*)

sngoselild a ta klngesngelel; tabesul; osisiu el klemangel; osisiu a bingel a udoud el mo er a rechad.

soadel: (*so`adel*)

soadel a kirel el mesaod; kirel el obeketakl; soadel a chutem el kmo ng mor; meldung el tekoi a soadel.

soaes: (*so`aes*)

soaes a orull er a mlai er a daob; klisichel a soaes er ngii.

soal: (*so`al*)

soal a sau er ngii; soal el chad, soal el beluu; soal a ues.

sob: (*s`ob*) (rrodel)

sob a klalo el usbechall er a omelechong me a omesilek.

sobechakl: (*sobech`akl*)

sobechakl a osobel; mesebechakl; sobecheklii a sechelil er a klakoad.

sobecheklii: (*sobechekl`ii*)

sobecheklii a mesebechakl er ngii; osobelii.

sobechii: (*sobech`ii*) (1)

sobechii a mesebech er ngii; diak el uldirekorek; sobechii a kelel a ngalek.

